

Powšitkowne WOZJEWJENJA

njedźelu, 11. junija 2017

Kemše na Bože ćelo w Róžeńće

Na swjedženju Božeho ćela, štwórtk, 15. junija, budže w Róžeńčanskej swjatnicy w 19 hodź. serbska Boža mša. Na nju su wšitcy či přeprošeni, kotřiž so dopołdnja na kemšach wobdźělic njemóža.

Njedźelu, 18. junija, budu kemše w Róžeńće jenož w 10.30 hodź. němsce.

Oratorij „Podlěćo“ zaklinči w Róžeńće

Oratorij „Podlěćo“ z pjera Handrija Zejlerja a Korle Awgusta Kocora zaklinči njedźelu, 11. junija, we 18 hodź. w Róžeńčanskej cyrkwi. Pod nawodom Friedemanna Böhmy spěwa chór 1. serbskeje kulturneje brigady a hudzi orchester Serbskeho ludoweho ansambla. Solisća budu Romy Petrik (sopran), Tanja Donatec (alt), Mikołaj Jan Walerych (tenor) a Johannes Hochrein (bas). Wšitcy smědža so na hudźbnu chłóšćenku wjeselić a su wutrobnje do Róžanta přeprošeni.

Ministrantska kopańca

Na koparski turněr su ministranća ze serbskich wosadow přeprošeni. Tutón wotměje so sobotu, 17. junija, w Pěškecach. Započatk budže w 9.00 hodź. z Božej mšu we wjesnej cyrkwičce. Nadrobniše informacije su na plakaće pod www.posol.de podate. Tež we wosadach su plakaty wupowěsnjene.

Klóšterski swjedzeń

Z Božej mšu, kotruž změje pater Maurus Kraß z Wechselburga, zahaji so klóšterski swjedzeń njedźelu, 18. junija, w 10.30 hodź. w cyrkwi klóštra Marijineje hwězdy w Pančicach-Kukowje. Po kemšach, kotrež wobrubi Kulowski młodžinski chór „Effata“, wočakuje wopytowarjow pisany program. Mjez druhim zahraje kantor Michael Schmidt z Kamjenicy w 13.15 hodź. w cyrkwi na piščelach. Z ekumeniskim nyšporom w 17.30 hodź. so swjedzeń zakonči.

Putnikowanje džěci do Róžanta

Džěci ze wšitkich serbskich wosadow su pod hesłom „Wěra je mi dar“ srjedu, 28. junija, na putnikowanje do Róžanta přeprošene. Boža mša započnje so w 10.30 hodź. w hnadownej cyrkwi. Po mjezyprogramje so putnikowanje z nyšporom w 13.00 hodź. zakonči.

Putnikowanje do Częstochowy

Tež lětsa pozbudža farar Beno Jakubaš, so w serbskej skupinje na putnikowanje z Warszawy do Częstochowy podać. Hić smě kóždy sobu, kotryž je 18. žiwjenske lěto docpěł. Termin putnikowanja je wot 5. do 15. awgusta. Zajimcy njech so hač do njedźele, 2. julija, pola fararja Bena Jakubaša w Radworju přizjewja, telefonowe čisło (0 3 59 35) 2 07 13.